

neriješen slučaj Ko je ubio Gorana Kotura?

MAGAZIN BOSNE I HERCEGOVINE

# start 122

## hronika

04.09.2007. godina II broj 13 BESPLATNO



Plijačke banaka u Bosni i Hercegovini

# Razbojnici odnijeli 22 miliona maraka

< Propisi o izgledu i ponašanju policajaca  
Jedna prijava dnevno

< Ubistvo Izeta Borovca  
Novac u kući – mamac za ubice

< Trgovina ljudima u BiH  
Bosanke sve češće žrtve traffickinga

# Jedna prijava dnevno

**Policijske stanice u Sarajevu gotovo svakodnevno dobijaju žalbe građana na nepropisno ponašanje i izgled policajaca. Greške se dešavaju uprkos svakodnevnoj provjeri izgleda i redovnoj obuci o ponašanju policijskih službenika. Policajci se osim u Bosni i Hercegovini obučavaju i u drugim državama a uskoro će dobiti najmoderniju streljanu**

PIŠE: Semir Mujkić  
FOTO: Haris Čalkić

Policija na području Sarajevskog kantona u posljednje vrijeme dobija sve više pritužbi na neodgovarajući izgled policijskih službenika. Radi se o pritužbama građana kako policajci na dužnosti ne nose policijske kape, u žargonu poznate kao šapke. Zbog promjene grba Federacije Bosne i Hercegovine, koji se nalazio na kapama, policajci su dobili naredbu da ne nose ovaj dio inače obavezne odjeće. Kako svaki policajac mora da izgleda i da se ponaša u vrijeme vršenja dužnosti propisano je Zakonom o policijskim službenicima, Instrukcijama o pravilima ponašanja i međusobnim odnosima ovlaštenih službenih lica i Etičkim kodeksom za profesionalne policajce.

Svako nepoštivanje pravila donosi opomene i kazne a u iznimnim slučajevima moguć je i gubitak posla.

## Svakodnevne provjere


Mustafa Bešić, v.d. načelnika Jedinice za profesionalne standarde MUP-a KS, kaže da policajci uvijek moraju imati nivo ponašanja koji je viši od ponašanja prosječnih građana te moraju izgledati uredno.

- U svakoj prilici je dužan da bude uredan, uniformu drži u ispravnom stanju. Mora imati oznaku sa imenom. Rukovodni sastav je dužan da svaki dan vrši kontrolu da li je sve u redu prije svake smjene. Policajac nikako ne može imati bradu, osim u slučaju da prikrije neki fizički nedostatak ili zbog nekog drugog opravdanog razloga – kaže Bešić.

Da bi policajci ostali u formi redovno se vrše testiranja fizičke spremnosti po poznatom *Kuperovom*



## Pronađen ubica Mare Mrkonjić



Ubica 29-godišnje Mare Mrkonjić iz Dubrava kod Brčkog je maloljetni M.T. iz Brčkog. M.T. je prilikom privođenja, u prisustvu roditelja priznao ubistvo a policija je u njegovoj kući pronašla patike i majicu uprljane Marinom krvlju.

Podsjećamo, Mara Mrkonjić ubijena je u mjestu Dubrave, zaselak Mrkonjići kod Brčkog, kad se vraćala s posla a njen leš je pronađen u kukuruzištu pored lokalnog puta koji povezuje Dubrave i Bujanj. Mara je ubijena nakon povratka sa posla a napadnuta je 500 metara od kuće. Usmrćena je sa dva hica u čelo, a na putu su ostale njena tašna, papuča i tragovi krvi. Tom prilikom pronađen je i pištolj kalibra 7,62 mm kojim je počinjeno ubistvo a koji, utvrdila je policija nakon hapšenja M.T., pripada maloljetnikovom ocu. Prema nepotvrđenim informacijama, M.T. je žrtvi i ranije slao poruke vulgarnog sadržaja. Nakon ubistva, vratio se na mjesto događaja, kako bi sa ostalim mještanima pratio policijsku potragu. Sudski proces protiv maloljetnika bit će zatvoren za javnost.

testu. Policajci koji ne zadovolje kriterije vraćaju se na ponovno testiranje sve dok ne ispune normu. Gotovo svakodnevno su i na teorijskoj obuci i provjeravanju. Safet Šobović, viši inspektor MUP-a KS, objašnjava da se policajci testiraju iz 13 nastavnih predmeta:

- Svakog petka imamo testiranje gdje policajci moraju odgovoriti na 25 od 30 pitanja da bi položili test. Osim toga, imaju i specijalističke pripreme iz kriminalistike, zakonodavstva, narukomanije, samoodrbane i rukovanja oružjem – kaže Šobović i dodaje da najbolji policajci imaju dodatne treninge u Austriji, Njemačkoj, Sjedinjenim Američkim Državama a jedna grupa uskoro odlazi u Egipat.

Obuku gađanja policajci prođu najmanje dva puta godišnje što je, priznaju u policiji, nedovoljno. Uskoro će policajci moći svakodnevno vježbati gađanje u novoj zgradi Jedinice za podršku MUP-a KS koja će biti opremljena savremenom streljanom.

## Prijave kršenja pravila

Građani Kantona Sarajevo godišnje prijave 300 slučajeva kršenja pravila o ponašanju i izgledu policajaca. Bešić tvrdi da je taj broj isti već nekoliko godina te da u odnosu na broj policajaca nije ogroman.

- U Kantonu Sarajevo radi 1.300 policajaca od kojih je oko 1.000 svaki dan na poslu. U prosjeku dobijemo jednu prijavu dnevno a manji dio se odnosi na nepravilnosti u izgledu i ponašanju policajaca. Građani mogu prijaviti nepravilnosti u ponašanju i izgledu policajaca u svakoj policijskoj stanici i MUP-u kantona – kaže Bešić.

Zbog specifičnosti posla policijski službenici imaju pravila pona-



Šobović: Testiranje svakog petka

## Norme Kuperovog testa koji se radi 12 minuta

Kategorija fizičkih sposobnosti	ispod 30 godina	30 - 39 godina	40 - 49 godina	50 i više godina
I vrlo slaba	do 1600 metara	Do 1520 metara	do 1360 metara	do 1280 metara
II slaba	1600-2000m	1520-1840m	1360-1680m	1280-1600m
III osrednja	2000-2400m	1840-2240m	1680-2080m	1600-2000m
IV dobra	2400-2800m	2240-2640m	2082-2480m	2000-2400m
V odlična	2800 m i više	2640 m i više	2480 m i više	2400 m i više

Za polaganje testa rezultati moraju biti u četvrtoj ili petoj kategoriji



Bešić: U prosjeku dobijemo jednu prijavu dnevno

šanja i van radnog vremena. Zbog narušavanja ugleda policije neprijemnim ponašanjem čak mogu ostati i bez posla. Olakšavajuća

okolnost ne može biti ni agresivno ponašanja i vrijeđanje čak i prekršioća zakona.

- Čak i ako građanin krši zakon

policajac se mora ponašati po pravilima. Mora biti psihički stabilan kako ne bi reagovao neprijemno – kaže Bešić. ■

## Najgluplji kriminalci

### Baksuz

Jedan dvadesetdvogodišnjak iz američke države Arizona iskoristio je ukradenu kreditnu karticu da kupi DVD. Kako mu je bio potreban novac otišao je u prodavnicu i tražio povrat novca u gotovini. Na njegovu nesreću u prodavnici se nalazila i vlasnica ukradene kreditne kartice koja je došla da prijavi korištenje kartice u toj prodavnici. Ne znajući da je mladić ustvari lopov žena ga je čak pustila da stane u red ispred nje. Menadžer prodavnice ubrzo je shvatio o čemu se radi i pokušao zadržati mladića koji je pobjegao iz radnje ali je vrlo brzo uhvaćen.

### Opres: ljut pas



Tri lopova napravili su amatersku grešku kada su provalili u halu za trening policijskih pasa u namjeri da ukradu bakarne cijevi. Ekipe policajaca koji su ujutro doveli pse na trening zatekla je lopove na djelu. Druga greška je bila pokušaj bijega od policije i pasa.

- Ko god pokuša da pobjegne od cijele jedinice pasa nije baš u pobjedničkoj poziciji, izjavio je policajac **Kiley Sargent**.

**Pamela Puckett** se odmah predala a njene kolege saučesnici su nastavili bijeg. Osamnaestogodišnjeg **Marca Backa** psi su stigli do sljedećeg bloka dok je **Paul Perry**, 39, odmakao malo dalje ali je zato dobio ugriz psa. Iako se na halama nalaze velika upozorenja da se radi u mjestu treninga pasa, policija je objasnila da su lopove na ovaj potez vjerovatno potakle visoke cijene bakra.

# Svjedoci se plaše da govore

Zbog navoda o kriminalnoj prošlosti ubijenog i mogućim izvršiocima ili naručiocima ubistva, evidentan je strah kod mogućih svjedoka. To potvrđuju i u tužilaštvu i policiji. Uzalud pravosudni organi podsjećaju na zakonske odredbe kojima je sada moguće zaštititi identitet svjedoka tokom postupka

PIŠE: Amarildo Gutić

FOTO: Arhiv Starta

U večernjim satima trećeg oktobra 2003. godine 34-ogodišnji **Goran Kotur** je krenuo kući u ulici Solunskih dobrovoljaca u Gradiškoj. Do ulaznih vrata dvorišta dovezao ga je prijatelj. Ispred garaže u automobilu čekali su ga supruga i sin. U trenutku kada je prišao automobilu, nagnuvši se prema prozoru, iza leđa je prišla nepoznata osoba i ispalila u glavu jedan metak, ispostavit će se, za Gorana Kotura smrtonosan.

## Obimna istraga

Ubica je, po svemu sudeći, skriven čekao Goranov dolazak, no još uvijek nije poznato da li je unaprijed znao njegove namjere, odnosno da je baš u to vrijeme krenuo prema kući. Prijatelj koji ga je dovezao nije osumnjičen kao mogući saučesnik. Na samom početku istrage izvršeno je niz svih potrebnih radnji na rasvjetljavanju ovakvog krivičnog djela.

- U danima nakon ubistva izvršen je pretres više stanova, kuća, vozila raznih osoba, obavljen listing poziva i razgovora ubijenog, no bez rezultata interesantnih istrazi kaže **Biljana Marković**, tužilac Okružnog tužilaštva Banja Luka.

- Proučavanjem ličnosti Gorana Kotura, evidentno je bilo i njegovo kriminogeno ponašanje, istraga je bila usmjerena prema tom mišlju ljudi, ali ni testiranja na poligraf nisu dovela na trag počiniocima ovog krivičnog djela, objašnjava **Jovica Roguljić**, načelnik Odjela za krvne i seksualne delikte Centra javne be-



Istražne radnje u slučaju ubistva Gorana Kotura bile su usmjerene i prema susjednim zemljama, prije svega Hrvatskoj

zbjednosti Banja Luka.


Osim navedenih istražnih radnji, u narednom periodu je obavljeno više informativnih razgovora sa građanima. Ipak, radi navoda o kriminalnoj prošlosti ubijenog i mogućim izvrši-

ocima ili naručiocima ubistva, evidentan je strah kod mogućih svjedoka. To potvrđuju i u tužilaštvu i policiji. Uzalud pravosudni organi podsjećaju na zakonske odredbe kojima je sada moguće zaštititi ne

samo identitet svjedoka tokom postupka, već i sud može odlučiti da lični podaci svjedoka ostanu povjerljivi u trajanju i do 30 godina, te da anonimnost svjedoka može biti sačuvana i korištenjem elektronskog uređaja za promjenu glasa i slike ili svjedočenjem iza paravana, strah kod mogućih svjedoka je barem u ovom slučaju veći.

Istražne radnje u slučaju ubistva Gorana Kotura bile su usmjerene i prema susjednim zemljama, prije svega Hrvatskoj. U svakom slučaju, ovo je i dalje aktivan predmet na kojem rade službenici Centra Javne Bezbjednosti Banja Luka i Policijske stanice Gradiška. ■

## Onemogućen pokušaj šverca stoke



nih graničnih policija a obavljena je na lokaciji odranije poznatoj kao mjestu na kojem se vrši šverc stoke.

Pripadnici Granične policije BiH su, u saradnji sa Graničnom policijom Republike Srbije, spriječili šverc žive stoke preko rijeke Save. U akciji je zaplijenjeno 18 teladi sa markicama iz Srbije koja su predata u Mesoprodukt Bijeljina, dok je vozača koji je pokušao da stoku preveze saslušao inspektor Granične policije BiH. Akcija je izvedena u skladu sa dogovorom o međunarodnoj saradnji susjed-

# Novac u kući – mamac za ubice

Uviđajem je utvrđeno da je ubistvo izvršeno automatskom puškom, a prema tragovima na licu mjesta postoji realna pretpostavka da je motiv ubistva koristoljublje

PIŠE: Amarildo Gutić  
FOTO: Arhiv Starta

Usamljena kuća kraj puta na izlazu iz Vozuće prema Banovićima, gotovo osam godina krije tajnu ubistva **Izeta Borovca**.

Jedanaestog oktobra 1999. godine Policijskoj upravi Zavidovići prijavljena je moguća provala u kuću koja je u vlasništvu Izeta Borovca u Vozući.

## Leš u hodniku

Komšija je primijetio razbijeno prozorsko staklo sa lijeve strane od ulaznih vrata. Policijska patrola je nakon dolaska na lice mjesta utvrdila da su ulazna zaključana. Vlasnik kuće nije stalno živio u kući, tako da ni komšije koje su ga vidjele prethodnih dana nisu bili sigurni da li je već otputovao ili ne. Odgovor je bio poznat nedugo nakon što su policajci uspjeli otključati ulazna vrata. U hodniku pronalaze leš 75-ogodišnjeg Izeta Borovca prekrivenog jorganom. Na tijelu je imao četiri prostrelna rane.

- Uviđajem je utvrđeno da je ubistvo izvršeno automatskom puškom, a prema tragovima na licu mjesta, postoji realna pretpostavka da je motiv ubistva koristoljublje, navodi **Rijad Delić**, inspektor Odjela za opći kriminal MUP-a ZDK.

U prostoriji u kojoj je inače spavao nesretni Izet Borovac stvari su bile ispreturane i razbacane. Prema prikupljenim saznanjima istražitelja, otuđena je veća količina novca, zlatnog nakita te određena dokumentacija. Razbojnici su očito znali da je u kući bilo dragocjenosti.


- Prema rekonstrukciji dešavanja, razbojnik ili više njih su na Izeta Borovca pucali kroz prozor sa lijeve strane vrata, a potom su ušli u unutrašnjost kuće, objašnjava **Fahrudin Isić**, inspektor krim-policije PU Zavidovići.

## Balističko vještačenje


Dan nakon ubistva izvršen je pretres većeg broja kuća u potrazi za oruž-



Pretpostavlja se da su ubice znale da u kući Borovca ima novca



## Zaplijenjeno 235 boksova cigareta



vozač nije posjedovao potrebnu dokumentaciju. Oduzete cigarete predate su radnicima Uprave za indirektno oporezivanje BiH.

Nastavljajući aktivnosti na sprečavanju ilegalne trgovine akciznim robama, pripadnici PS Berkovići su u mjestu Hatelji, iz vozila **V.Ž.** (1982.) iz Bileće zaplijenili 235 boksova cigareta marke *Ronhill* i 100 boksova cigareta *Walter Wolf*. Na cigaretama su se nalazile akcizne markice Republike Crne Gore a vozač nije posjedovao potrebnu dokumentaciju. Oduzete cigarete predate su radnicima Uprave za indirektno oporezivanje BiH.

jem izvršenja ubistva. Istina, pronađena je izvjesna količina naoružanja, čak i automatska puška, ali je balističko vještačenje pokazalo da to nije ona kojom je ubijen Borovac. U daljnjem toku istrage veći broj lica je podvrgnut poligrafskom testiranju, ali ona nisu dala konkretne rezultate. Provjerene su i informacije o jednom broju lica koja su se mogla dovesti u vezu sa ubistvom, među kojima su pojedini ranije imali verbalne sukobe sa žrtvom zločina.

Jedno je sigurno, radi nečijih saznanja da u kući ima novca, Izet Borovac je izgubio život. Inače je živio u Njemačkoj, gdje mu je u trenutku ubistva bila i supruga, tako da je postojalo malo podataka o njegovom kretanju, navikama i osobama sa kojima je dolazio u kontakt izvan Vozuće. To je u mnogome otežalo istragu uzrokujući da ovo ubistvo ostane jedna od nekoliko neriješenih slučajeva ubistva posljednjih deset godina na području Zeničko-dobojskog kantona. ■

# Razbojnici odnijeli 22 miliona maraka

Iz banaka u BiH posljednjih sedam godina ukradeno je 22 miliona maraka. Pljačkaši su uglavnom krali iz vozila koja su prevozila novac i unaprijed su znali vrijeme i putanju transporta. Iz Udruženja bankara BiH i Centralne banke najavljuju uvođenje najsavremenije zaštite krađe novca prevozom u kutijama sa zaštitnom bojom

PIŠU: Semir Mujkić i Almir Panjeta  
FOTO: Arhiv Starta

Pljačkaši banaka su u posljednjih sedam godina ukrali više od 22 miliona maraka koji uglavnom nikada nisu pronađeni. Scenarij većine pljački je vrlo sličan: nekoliko naoružanih osoba presretne sigurnosno vozilo banke u kojem se prevozi novac i uz prijetnju čuvarima otme novac u gotovini. Lopovi sakriju svoj trag koristeći nekoliko automobila a otežavajuća okolnost za policiju je što lopovi prilikom pljačke nose odijela policije ili SFOR-a. Na ovaj način je ukradeno 16 miliona maraka dok je tek šest miliona ukradeno pljačkom poslovnice banke.

## Dojava iznutra

Osiguravajuće kuće koje prevoze novac koriste sigurnosna vozila i njihovi čuvari su naoružani ali im najveću opasnost predstavlja poznata ruta transporta novca i vrijeme transporta. Sumnju da lopovi imaju pomoć zaštitara i radnika banaka koji im jave vrijeme i mjesto transporta novca nedavno je potvrdio i Tomislav Limov, glavni zamjenik ministra unutrašnjih poslova Federacije Bosne i Hercegovine. On je izjavio da većina pljački banke uspije i da lopovi rijetko budu otkriveni. Istakao je da situacija nije bila ni slična kada su transportovani novac osiguravali policajci. Slično mišljenje ima i Kemal Kozarić, guverner Centralne banke.

-Banke improviziraju sa osiguranjem pošiljki a nije tajna da ima i informatora unutar banaka, izjavio je Kozarić.

Kako bi smanjili mogućnost da lopovi saznaju dragocjene informacije, Centralna banka je pokrenula inici-



Nije tajna da ima informatora unutar banaka

jativu da se sve poruke koje sadrže podatke o vremenu i ruti transporta šifriraju.

Policija danas osigurava jedino vozila Centralne banke BiH koja uz ovu zaštitu koristi i satelitsko praćenje vozila i godišnje izdvoje oko milion maraka za osiguranje transportovanog novca. Vozila ove centralne bankarske institucije u BiH nisu

opljačkana niti jednom!

## Zaštitna boja


Zbog velikog broja krađa novca iz banaka Udruženje bankara BiH nedavno je organiziralo konferenciju o sigurnosti pri prijevozu novca. Tom prilikom je Kozarić najavio uvođenje sistema trgovanja žirnim novcem, što znači da banke više neće morati

## Riješeni slučajevi višestrukih teških krađa u Bihaću

U proteklom periodu na području općine Bihać počinjeno je više krivičnih djela teških krađa u privredna društava Energoinvest, Željeznice BiH skladište ZOP-a, privatne kuće u naseljima Mali Lug, te oštećenje na infrastrukturi naponske mreže Željeznica FBiH na području Bihaća i Bosanske Krupe. U navedenim krivičnim djelima u većini slučajeva otuđeni su: osnovni repromaterijali za rad, odnosno legure bakra, mesinga, cinka u novčanoj protivvrijednosti više hiljada KM.

Pripadnici PS Bihać lišili su slobode više lica nad kojima je zavedena kriminalistička istraga i to: D.A., rođen 1978. godine u Bihaću, V.S., rođen 1983. godine u Bihaću, K.H., rođen 1986. godine u Bihaću, M.M., rođen 1981. godine u Bihaću, D.A., rođen 1974. godine u Bihaću.

Oni su u proteklom periodu izvršili 15 teških krađa, te su izvršio i razbojništva koje se desilo 8. decembra 2006. godine u Viničkoj ulici u Bihaću. Neka od ovih krivičnih djela izvršavali su uz pomoć policijskog službenika D.A. iz PS Bihać, koji je suspendiran do kraja postupka.



prevoziti novac pri svakoj transakciji. Automatski će se smanjiti mogućnost krađe novca.

Gost konferencije iz Belgije, Guillaume Pinchon iz Evropske komisije za standardizaciju, predložio je bh. bankarima prevoz novca u kutijama sa zaštitnom bojom koja skoro sto-postotno sprečava krađu. Ove kutije puštaju boju na novac prilikom nasilnog otvaranja ili daljinskog aktiviranja. Takav novac je označen i nije ga moguće koristiti niti oprati pa takav nije ni zanimljiv lopovima, istakao je Pinchon. Sa druge strane, taj novac prihvata Centralna banka i umjesto njega štampa druge novčanice.

## Ubijen zaštitar

Federalna policija formirala je posebnu operativnu skupinu koja istražuje pljačke banaka. Nažalost, njihov posao počinje tek nakon pljačke. Za zaštitara Raiffeisen banke u Tešnju intervencija ove skupine bila je prekasna. Dva napadača smrtno su ga ranila u pljački koja se desila u martu ove godine.

U istom mjesecu rasvijetljena je jedna od najvećih pljački banaka u BiH, pljačka ABS banke iz Tuzle nakon trogodišnje istrage. Pljačkaši Emir Okanović Cile, Muhamed Altumbabić Habe, Dragan Simeunović i Dalibor Margetić ukrali su dva miliona maraka koje nikada nisu pronađene. Najveću pažnju javnosti u ovom slučaju privukla je informacija da je lopovima pomogao Senad Hadžić, pripadnik Obavještajno-sigurnosne službe OSA. Pomoć su imali i od Altumbabića, koji je tada radio kao zaštitar banke. Zanimljivo je da se novac prevozio u civilnom džipu bez ikakve zaštite. ■

# Bosanke sve češće žrtve traffickinga

**Prema zvaničnim podacima, do 2002., kada su otkrivene tri domaće žrtve traffickinga, nije bilo sličnih slučajeva. Naredne godine otkrivene su četiri domaće žrtve, 2004. ih je otkriveno šest da bi se 2005. godine taj broj naglo popeo na 22 a do 2006. godine dostigao brojku od 31 domaće žrtve traffickinga**

PIŠE: Almir Panjeta  
FOTO: Arhiv Starta

U protekle tri godine u BiH je zabilježeno smanjenje broja žrtava trgovine ljudima iz istočnoevropskih zemalja, dok je sve veći broj žrtava iz BiH te iz Srbije, Crne Gore i Hrvatske, saznajemo iz Ureda državnog koordinatora za borbu protiv trgovine ljudima i ilegalne imigracije. Od 71 žrtve traffickinga koje su identificirane u BiH u toku prošle godine, 31 je iz BiH, 22 iz Srbije i Crne Gore, tri iz Hrvatske, šest iz Moldavije, četiri iz Ukrajine, dvije iz Bugarske te po jedna osoba iz Rusije, Rumunije i Švicarske.

## Sve više žrtava iz BiH

Jedna od žrtava traffickinga je dječak iz Srbije dok se u ostalim slučajevima radi o djevojkama i ženama. Broj stvarnih žrtava traffickinga u odnosu na broj otkrivenih je u svakom slučaju mnogo veći, ali službenih podataka o tome nema. Prema nekim predviđanjima, taj broj je za tri do pet puta veći od otkrivenog, dok neka nezavisna istraživanja tvrde da je veći i za deset puta.

- U protekle tri godine napravljeno je dosta pomaka kad je u pitanju zakonska regulativa, pojačan je nadzor granica a Sud i Tužilaštvo BiH uz podršku posebnog odjela SIPA-e sve više rade na istraživanju, podizanju optužnica i procesuiranju ljudi koji se bave trgovinom ljudima. Međutim, u posljednje vrijeme evidentno je da zbog težeg ilegalnog prelaska granice, traffickeri pribjegavaju biranju žrtava iz BiH i uključuju ih u interne lance trgovine ljudima preprodajući ih unutar naše države – kaže za Start



Rizvo: Traffickeri pribjegavaju biranju žrtava iz BiH i uključuju ih u interne lance trgovine ljudima preprodajući ih unutar naše države

Samir Rizvo, državni koordinator za borbu protiv trgovine ljudima i ilegalne imigracije.

Izveštaj o stanju trgovine ljudima u BiH za ovu godinu još nije dovršen, ali prema dosadašnjim pokazateljima, kaže nam Rizvo, broj otkrivenih žrtava bi trebao biti nešto manji nego u toku prošle godine. Kada su u pitanju domaće žrtve i žrtve iz susjednih zemalja, Rizvo kaže da će se u narednom periodu njima posvetiti posebna pažnja. U protekle tri godine je zabilježen drastičan porast domaćih žrtava među žrtvama traffickinga. Prema zvaničnim podacima, do 2002. kada su otkrivene tri domaće žrtve traffickinga, nije bilo sličnih slučajeva. Naredne godine otkrivene su četiri domaće žrtve, 2004. ih je otkriveno šest da bi se 2005. godine taj broj naglo popeo na 22 a do 2006. godine dostigao brojku od 31 domaće žrtve traffickinga.

- Posebno će se morati raditi na javnim kampanjama i podizanju svijesti među ugroženom populacijom kad je u pitanju trafficking. Za razliku od prijašnjih metoda kojima su traffickeri držali u zatočeništvu svoje žrtve iz ino-

stranstva, kao što su oduzimanje pasoša, fizičko zlostavljanje i konstantne prijetnje, današnje metode su nešto blaže, ali jednako opasne – tvrdi Rizvo, pojašnjavajući da je razlog tim promjenama metoda to što su žrtve sve rjeđe iz drugih zemalja: -S obzirom da su žrtve iz BiH i da ih ne mogu držati oduzimanjem isprava ili potrebom da zarade novac za kartu nazad, današnji traffickeri ih drže u iluziji da uopšte nisu žrtve. Imaju bolji odnos prema njima, omogućavaju im da čak nešto zarade i za sebe dok sve rjeđe pribjegavaju prijetnjama, ucjenama i fizičkoj sili, koje su opet konstantna prijetnja žrtvi. U takvom okruženju žrtva praktično nije ni svjesna da je žrtva.

## Kako pomoći žrtvama

Nakon što je prije nekoliko godina zatvorena, većina noćnih barova preko kojih se odvijala prostitucija i iskorištavanje žrtava traffickinga, i danas radi preko internih kanala, po kućama i stanovima te dovođenjem žrtava na kućnu adresu. S obzirom da je teži ilegalan ulazak u BiH, teži je i izlazak, tako da se do sada ne bilježi veći broj slučaje-

va da djevojke i žene iz BiH završe u inostranstvu.


- U proteklih nekoliko godina imali smo tek nekoliko zvaničnih prijava iz Italije i Austrije da su djevojke iz BiH pronađene kao žrtve traffickinga. Nažalost, vrlo je vjerovatno da takvih slučajeva ima još, ali mi nismo zvanično obaviješteni, što ipak govori da oni nisu prisutni u velikoj mjeri – tvrdi Rizvo te ističe da će jedan od glavnih ciljeva borbe protiv trgovine ljudima biti zaštita domaćih žrtava. Osim javnih kampanja i informiranja javnosti, radit će se i na uspostavljanju zaštite na lokalnom nivou. Sigurne kuće za žrtve traffickinga, koje su osnovala uglavnom nevladine organizacije, tek od 2005. godine država je počela djelimično finansirati.

- Problem je što su u BiH po većini pitanja podijeljene i nedefinirane nadležnosti. Kad je su prevencija i zbrinjavanje žrtava internog traffickinga u pitanju, tu je osnovni akcenat na centrima za socijalni rad i na nivou Ministarstva za ljudska prava bi se u toku sljedeće godine trebao formirati fond iz kojeg bi im se pružala adekvatna podrška – kaže Rizvo dodajući da se nada da će u narednom periodu tužilaštva i sudovi još više pojačati rad na procesuiranju organizatora traffickinga. Tako je u toku 2006. godine, na broj od 71 otkrivene žrtve trgovine ljudima, po osnovu sporazuma o krivnji na kaznu zatvora osuđeno sedam traffickera, te bez sporazuma njih 11, što je ukupno 18 traffickera iza rešetaka. U spomenutom periodu pokrenute su nove 42 istrage uz 48 neriješenih iz protekle godine dok su na sudu potvrđene 33 optužnice. ■

# NESTALI



**Ime:** Inga  
**Prezime:** Perković  
**Ime oca:** Ivica  
**Spol:** Ženski  
**Datum rođenja:** 16.08.1985.  
**Mjesto prebivališta:** Mostar  
**Karakteristike:** Mole se svi koji imaju informacije o ovoj osobi da iste dostave najbližoj policijskoj postaji ili putem telefona 122 ili Operativnom dežurstvu Federalne uprave policije 033 261 300.



**Ime:** Šaban  
**Prezime:** Husnić  
**Ime oca:** Arif  
**Spol:** Muški  
**Datum rođenja:** 12. februar 1958.  
**Mjesto prebivališta:** Mostar  
**Karakteristike:** Visok 185 cm, krupnije tjelesne građe, prosijede kose sa većim čeonim zaliscima, izduženog lica s tamnom puti.



**Ime:** Asim  
**Prezime:** Mićijević  
**Ime oca:** Huso  
**Spol:** Muški  
**Datum rođenja:** 3. januar 1952.  
**Mjesto prebivališta:** Mostar  
**Karakteristike:** Nestao 1. aprila 2004.  
**Opis lica:** Visok 180 cm, sijede smeđe kose, zelenih očiju, tamnije puti. Bio odjeven u šarenu majicu na kojoj je dominirala plava i crvena boja, prsluk žuto-smeđe boje i samtane pantalone.


# TRAŽE SE



**Ime:** Zoran / Miloš  
**Prezime:** Veličković / Avramović  
**Spol:** Muški  
**Datum rođenja:** 18.10.1971 / 25.9.1969  
**Mjesto rođenja:** Aleksinac, Republika Srbija  
**Mjera:** Hapšenje  
**Traži se zbog:** krivičnog djela - zločinačka organizacija iz člana 342. stav 2 u vezi sa krivičnim djelom - razbojništvo iz člana 298, stav 2 KZ FBiH  
**Po nalogu:** Kantonalnog suda Tuzla  
**Obavijestiti:** Najbližu policijsku stanicu



**Ime:** Petar  
**Prezime:** Vučković  
**Spol:** Muški  
**Datum rođenja:** 23.07.1947  
**Mjesto rođenja:** Dabar, općina Sanski Most  
**Mjera:** Hapšenje  
**Traži se zbog:** krivičnog djela pokušaj ubistva, član 171. stav 1 ranijeg KZ FBiH  
**Po nalogu:** Kantonalnog suda Bihać  
**Obavijestiti:** Najbližu policijsku stanicu



**Ime:** Donald  
**Prezime:** Piljug  
**Spol:** Muški  
**Datum rođenja:** 27.06.1977  
**Mjesto rođenja:** Zenica  
**Mjera:** Hapšenje  
**Traži se zbog:** ubistva, član 166. stav 1. KZ FBiH  
**Po nalogu:** Kantonalnog suda Zenica  
**Obavijestiti:** Najbližu policijsku stanicu

**UKOLIKO IMATE BILO KAKVE INFORMACIJE O OVIM OSOBAMA  
JAVITE SE KRIMOLOVCIMA NA TEL.: 080 020 505**

**VAŠA POLICIJA**

